

## CYNGOR CAERDYDD

### DEDDF SAFONAU A THREFNIADAETH YSGOLION (CYMRU) 2013

#### DARPARIAETH ANGHENION DYSGU YCHWANEGOL

#### YSGOL UWCHRADD LLANISIEN

**HYSBYSIR DRWY HYN** yn unol ag Adran 42 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, bod Cyngor Caerdydd ("yr Awdurdod"), ar ôl ymgynghori ag unrhyw bersonau yr oedd yn ymddangos iddynt eu bod yn briodol, yn cynnig newid Ysgol Uwchradd Llanisien, Heol Hir, Llanisien, CF14 5YL fel a ganlyn:

- Cynyddu'r nifer dynodedig o'r Ganolfan Adnoddau Arbenigol ar gyfer dysgwyr 11 – 19 oed yn Ysgol Uwchradd Llanisien sydd â Chyflwr Sbectrwm Awtistiaeth o 20 i 45 o leoedd.

Cynigir gweithredu'r cynnig o Fedi 2022.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Gellir gweld adroddiad ar yr ymgynghoriad sy'n cynnwys crynodeb o'r materion a godwyd gan yr ymgynghoreion, ymatebion yr Awdurdod a barn Estyn yn:

[Agenda'r Cabinet Ddydd Iau, 10 Mawrth, 2021, 2:00 pm: Cyngor Dinas Caerdydd \(modern.gov.co.uk\)](http://modern.gov.co.uk)

Capasiti presennol yr ysgol yw 1800 o leoedd gan gynnwys y chweched dosbarth. Nifer cyfredol y disgyblion yn yr ysgol yw 1450 (11-16) a 211 (y chweched dosbarth).

Mae 20 lle yn y Ganolfan Adnoddau Arbenigol Cyflwr Sbectrwm Awtistiaeth. Nifer bresennol y disgyblion yn y ganolfan adnoddau arbenigol yw 45.

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Rheolir derbyniadau i'r ganolfan adnoddau arbenigol gan yr awdurdod lleol, yn amodol ar ddatganiad o Anghenion Addysgol Arbennig (AAA) neu Gynllun Datblygu Unigol (CDU) fel y bo'n briodol.

Byddai derbyniadau i'r ganolfan adnoddau arbenigol ar wahân i'r derbyniadau i'r brif ysgol a byddai'n ychwanegol at y Nifer Derbyn Cyhoeddedig (NDC)

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.



O fewn cyfnod o 28 diwrnod o ddyddiad cyhoeddi'r cynigion hyn, sef hyd at 02 Mehefin 2022, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: [ymatebionysgolion@caerdydd.gov.uk](mailto:ymatebionysgolion@caerdydd.gov.uk)

Sylwer bod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig y 6ed o Fai 2022

Llofnod: Davina Fiore  
Cyfarwyddwr Gwasanaethau Cyfreithiol, Llywodraethiant  
a Swyddog Monitro Cyngor Caerdydd

### **NODYN ESBONIADOL**

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae Ysgol Uwchradd Llanisien yn ysgol uwchradd gymunedol cyfrwng Saesneg sydd wedi'i lleoli yn Llanisien.

Mae gan yr ysgol ganolfan adnoddau arbenigol sydd wedi'i dynodi ar gyfer y Cyflwr Sbectrwm Awtistiaeth a chanolfan adnoddau arbenigol ar gyfer dysgwyr sydd â nam ar eu clyw.

Er mwyn ateb y galw am leoedd canolfan adnoddau arbenigol ar gyfer dysgwyr 11 - 19 oed sydd â Chyflwr Sbectrwm Awtistiaeth, cynigir cynyddu nifer dynodedig y ganolfan adnoddau arbenigol ar gyfer dysgwyr sydd â Chyflwr Sbectrwm Awtistiaeth o 20 i 45 o leoedd o fis Medi 2022.

Ni chynigir unrhyw newidiadau i Ganolfan Adnoddau Arbenigol yr ysgol ar gyfer dysgwyr sydd â nam ar eu clyw.

Nifer y disgyblion yn y ganolfan yw 45.

Gwnaed gwaith dros dro a byddai gofyn gwneud rhagor o waith i wella ac ymestyn y cyfleusterau a'r llety yn y Ganolfan Adnoddau Arbenigol bresennol. Mae rhywfaint o'r gwaith hwn eisoes wedi'i wneud er mwyn i'r ysgol, a'r Cyngor, allu sicrhau bod digon o leoedd ar gael i blant sydd angen cymorth y ganolfan.



Neuadd y Sir  
Caerdydd,  
CF10 4UW  
Ffôn: (029) 2087 2088  
[www.caerdydd.gov.uk](http://www.caerdydd.gov.uk)  
County Hall  
Cardiff,  
CF10 4UW  
Tel: (029) 2087 2087  
[www.cardiff.gov.uk](http://www.cardiff.gov.uk)

Yn ogystal â'r cynnydd arfaethedig mewn lleoedd dynodedig yn y ganolfan adnoddau arbenigol ar gyfer dysgwyr sydd â Chyflwr Sbectrwm Awtistiaeth yn Ysgol Uwchradd Llanisien, cynigiwyd lleoedd pellach ar gyfer disgyblion sydd ag anghenion dysgu cymhleth a chyflwr sbectrwm awtistiaeth ar gyfer nifer o ysgolion o fewn yr awdurdod lleol. Gellir gweld manylion y cynigion hyn a chopïau o'r hysbysiadau statudol ar y dudalen we yma: [Anghenion Dysgu Cymhleth/Darpariaeth Cyflwr Sbectrwm Awtistiaeth \(caerdydd.gov.uk\)](http://www.caerdydd.gov.uk)